




ЛЕЗГИ

Газет

Жуван Ватан, ватанэгълияр,
дидед ч'ал хуьх!

26-апрелдиз йикъан сятдин
4-даз Расул Гьамзатован т'варунихъ галай милли ктабханада лезгийрин бажарагълу шаир Алирза Саидован 85 йисан юбилейдиз талукъарнавай шириратдин ч'ехи мярекат кыле фида.

Иниз шаирдин яратмишунарал рик' алай г'ар са ватанэгълидывай къвез жеда.



“Къиблепатан Дагъустандин Жегъилрин союз”

1920 – йисалай акъатзава

№ 15 (10764) хемис 13 – апрель, 2017 – йис WWW.LEZGIGAZET.RU

Къимет “Дагпечатдин” киоскрай - 16 манат

Халкъь сад хъайила



Махачкъалада “Дагъустан терроризмдиз акси я” лишандик кваз митинг кыле фена.

И серенжемда 17 агъзурдалай гзаф ксари иштиракна. Митингдин иштиракчийрин арада неинки Махачкъаладин, гъак' республикадин маса шегъеррин ва районрин агъалиярни авай.

Мярекатда Дагъустандин Кыл Рамазан Абдулатипова, РД-дин Халкъдин Собранидин Председатель Хизри Шихсаидова, РД-дин Къилин ва Гьукуматдин Администрациядин Руководитель Исмаил Эфендиева, Кеферпатан Кавказдин федеральный округда РФ-дин Президентдин патай тамам ихтиярар ганвай векилдин аппаратдин РД-да авай къилин федеральный инспектор Василий Колесникова, РД-дин Гьукуматдин Председателдин заместителрини иштиракна.

Митингдиз атанвайбурун ч'ехи пай жегъилар - юкван ва высший учебный заведенийрин студентар тир.

Митинг Дагъустандин театрдин деятелрин Союздин председатель, РФ-дин халкъдин артист Айгум Айгумова ачухна. “Анжах сад хъайила, чавай терроризмдин къурхулувал алудиз жеда, чи къуват садвилкай ибарат я. И къуват ва садвал дагъустанвийри 1999-йисуз Россиядин армиядин аскеррихъ ва къанун-къайда хуьдай органрин къуллугъчийрихъ галаз санал международный террористрин гъужум алуддай ч'авуз керчекдаказ къалурна. Абуру республикадин ва уьлкведин территориядин садвал, конституционный къурулуш хвена, Дагъустандин ва Россиядин халкъари терроризмдин инсан акуна таканвилдин идеология къабул тийидайди, адан вилик пад къун патал чпелай аслу вири крар ийидайди вири дуьньядиз ван къведайвал малумарна”, - лагъана ада.

Митингдал Вирироссиядин “Россиядин дидеяр” общественный гьерекатдин региональный отделенидин председатель Таиса Мегьамедовади авур рахунар жегъилрихъ элкьурнавайбуру тир.

Дагъустандин муфтийдин заместитель Идрис Асадулаева диндин гъакъикъи ивиринни террориствилдин гьерекатрин арада гъич са жуьредин алакъани авачирди рик'ел хкана: “Инсанрин ивиар экъичун, джавейрик, чуьруькрик ц'ай кутун - им акъалтай еке гунагъ я. Чна гуж гъалиб авунин ва инсафсузвили вири жуьрейрин гьерекатар пислемешзава, чун ислягъвал хуьн, чи Ватан абад хун патал экъеч'зава”.

Махачкъаладин ва Грозныйдин епископ Варлааман т'варунихъай, митингда авайбурухъ элкьвена, гьуьрметлу Иоан рахана: “Чпин инсансуз гьерекатар кыле тухуналди террористриз обществодик кич' кутаз, уьлкведа къарма-къаришвили галар арадал гъиз кланзава. Чна, РФ-дин халкъди, чаз абурухъай кич'е туширдан гъакъиндай малумарзава. Гъик' лагъайт'ла, санал алай ч'авуз чалай г'ар гъихътин завалдин хъайит'лани хура акъвазиз жеда”.

Дагъустандин чувудрин общинадин председатель Валерий Дибияеван фикирдалди, терроризмди г'ар са кас патал къурхулувал арадал гъизва. Ада къейд авурвал, террористрин вагъшивилериз жаваб яз, дуьньядин уьлквейрин регъберри ва вири динрин векилри къуватар сад авун лазим я.

Митингдиз къват' хъанвайбурухъ элкьвена, ялавлу келимаяр Дагъустандин халкъдин шаир, РД-дин писателрин Союздин председателдин заместитель Марина Агьмедова, РФ-дин спортдин лайихлу мастер, Олимпиададин къугъунрин гимидин призер, азаддиз къуршахар къунай Россиядин ва Азиядин чемпион Мегьамед Ибрагимовни рахана.

Къуллугъдал тайинарнава

Дагъустан Республикадин Къилин 2017-йисан 10-апрелдин 75-нумрадин Указдалди РД-дин Къиблепатан территориальный округда Дагъустан Республикадин Къилин патай тамам ихтиярар ганвай векилвиле Энрик МУСЛИМОВ тайинарнава.



Къейд. МУСЛИМОВ Энрик Селимович 1968-йисан 1-мартдиз Сулейман-Стальский райондин Агъа Ст'ал-Къазмайрин хуьре дидедиз хъана. 1986-1988-йисара ада Украинада стратегиядин метлеб авай ракетайрин къушунра аскервиле къуллугъна. 1991-йисуз Дагъустандин госуниверситетдин экономический факультет лап хъсан къиметар аваз куьтягъна, 1995-йисуз лагъайт'ла, гъа и вузда “Юриспруденция” пешедай къилин къвед лагъай образование къачуна. 1996-йисуз Э.С. Муслимов Россиядин Федерациядин налогрин полициядин федеральный къуллугъдин Дагъустан Республикада авай Управленида силисчидин къуллугъдал акъвазна. Налогрин полициядин къуру-

луш дегишарайдалай гуьгъуьниз 2003-йисан июлдиз Э.С. Муслимов наркоконтролдин органра силисдин къуллугъдин начальникдин заместителвиле, 2006-йисан апрелдиз лагъайт'ла, гъа и къуллугъдин начальниквиле тайинарна. 2008-йисуз адакай Управленидин начальникдин заместитель - Россиядин Федерациядин ФСКН-дин Дагъустан Республикада авай Управленидин силисдин къуллугъдин начальник хъана.

Къуллугъдив гъакъисагъвилелди эгечлунай, хиве авай везифаяр лайихлудаказ кылиз акъудунай 2005-йисуз Э.С. Муслимоваз рик'ел хуьдай “Лайихлувилерай” знак, “Наркоконтролдин органра къуллугъдал тафаватлу хъунай” вири пуд дережадинни медаль, 2011-йисуз хурудал гъалдай “Наркоконтролдин органрин гьуьрметлу къуллугъчи” знак гана. Ам Дагъустан Республикадин лайихлу юристни я. Ц'ийи къуллугъдал тайинардалди ада РФ-дин наркотикар кардик кутунал гуьзчивал авунин рекъай Федеральный къуллугъдин РД-да авай Управленидин начальниквиле везифаяр тамамарна.

Эвленмиш хъанва. Къве хва тербияла-мишзава.

Мад сеферда хкъя хъувуна

Идрис ОРУЖЕВ,
ДГТУ-дин профессор



Алай йисан 5-декабрдиз кыле фейи Дагъустандин гостехуниверситетдин работникрин ва клеззавайбурун конференциядал вуздин ректор хъяна.

Ректорвиле къуллугъ патал майдан-диз ДГТУ-дин ректор, РФ-дин илимрин лайихлу деятель, технический илимрин доктор, профессор Тагъир ИСМАИЛОВ, экономикадин рекъай гъа и вуздин проректор, экономикадин илимрин кандидат, доцент Нурмегьамед Суракатов ва заочный факультетдин декан, технический илимрин кандидат, доцент Надир Санаев экъеч'навай.

Конференцияда виликамаз факультетрин собранирал хъянавай 91 делегатди иштиракна. Абуру ректордин къуллугъдал кандидатрин рахунрихъ, программийрихъ яб акална.

Конференциядал рахай хейлин де-

легатри ДГТУ-дин т'вар неинки республикада, гъак' Россияда, дуьньядани вини дережадиз акъудун патал Тагъир Исмаилова ийизвай бегъерлу къвалахдикай лагъана.

Конференцияда иштираккай Дагъустан Республикадин Гьукуматдин Председателдин 1-заместитель Анатолий Къарибова гостехуниверситет Россиядин Къиблепата илимдинни образованидин рекъай къилин вузрикай садаз элкьвенвайди къейдна. Хейлин йисара университетдин кыле акъвазнавай Тагъир Исмаилован алахъунар себеб яз вуз Россиядин топ-рейтингдин жергейра гъатнава ва ада инанмишвилелди виликдини камар къачузва. Гъа са вахтунда Тагъир Исмаилов РД-дин вуздин ректоррин Советдин председатель, РД-дин Халкъдин Собранидин депутат я. Ада республикадин вуздин, школайра ЕГЭ-дин къвалах вилик тухуники вичин пай кутазва.

Рахайбуру муькуь кандидатрин лайихлувилерни, вуздин агалкъунрик абуру кутазвай пайни къейдна. Сечкийрин нетижаяр ихътинбуру хъана: 91 делегатдикай 89 касди Тагъир Исмаиловаз сес гана ва ам мад сеферда ДГТУ-дин ректорвиле хкъя хъувуна. Мубаракрай!



ОБЩЕСТВО

Чна Санкт-Петербургда агъалийрихъ галаз санал гъам ч'лугъазва, телеф хъайибурун хизанриз башагълугъвал гузва. Россия ч'ехи ва гзаф гужлу уьлкве я. Чи душманривай ам мет'ерал акъвазариз жедач.

▶ 2



ХАБАРАР

Конференциядал жегъилар наркотикри-кай авай зияндикай гъавурда тунин, регионда наркотикриз акси къвалах хъсанарунин, начагъбуру сагъарунин ва маса месэлаяр веревирдна.

▶ 7

Чун квехъ гала



Къагъриман ИБРАГЪИМОВ

8-апрелдиз Белижда ва Мамедкъалада Санкт-Петербургда метрода кыле фейи террориствилн гьерекатдин нетижада телеф хъайибур рикел хуьниз талукъарнавай митингар кыле фена. Мярекатра саки кве агъзур касди иштиракна.

Белиж поселоқдин гимназиядин гъаятда кыле фейи митингда Дербент

райондин кылин заместитель Садир Эмиргъамзаева, поселоқдин кыл Рамиз Гъабибулаева, Дербент, Дагъустандин Огни шегъерин ва Дербент райондин военный комиссар Адил Къулиева, райондин ва поселоқдин общественный тешкилатрин векилри, школайрин руководителри, муаллимри ва аялри иштиракна.

- Чна терроризмдиз ваъ лугъзува! - гафаралди митинг Садир Эмиргъамзаева ачухна. - Къе инал къват хуьнин сеbeb Санкт-Петербургда метрода

кыле фейи террориствилн гьерекатдив чун гьикл эгечъаватла къалурун, къенепатанни къецепатан душманриз нифрет гъун я. Дагъустанвийриз терроризмдин гьерекатри гьихътин мусибатар арадал гъизвайди ятла, лап хъсандиз чизва. Гьакл хъайила, чна Санкт-Петербургда агъалийрихъ галаз санал гъам члугъвазва, телеф хъайибур хизанриз башсагълугъвал гузва. Россия чехи ва гзаф гужлу уьлкве я. Чи душманривай ам метерал акъвазариз жедач.

Адил Къулиева къейд авурвал, терактдин нетижада неинки са петербургвийр, гьакни Россиядин са шумуд региондин агъалияр телеф хъана, хейлинбуруз хасаратвал гана. Ана дагъустанвийрини келъзава. Малум хъайивал, Мамедкъаладин гимназиядин муаллим Аида Ражабовадин гадани гъа юкьуз станциядал мусибатдик акатзавай. Ам Аллагъди хвена. Терактрин нетижада са тахсирни квачирбуруз телеф жезва. Мукъаят хъана, чна чун хвена къанда. Чна терроризм негъзава.

Телеф ва хасаратвал хъанвайбурун хизанриз башсагълугъвилн ва гъугъул къачудай гафар анал райондин образованидин управленидин начальник Суфиян Надирова, Белиж поселоқдин администрациядин кылин заместитель Абдулгамид Ражабова, райондин ветеранрин советдин председатель Гъуьсейн Яхшибаева, гимназиядин директор Нариман Шихмегъамедава ва масабур лагъана.

Мярекат гимназиядин аялри гъазурнавай "Терроризмдиз - ваъ!" композиция къалуруналди ва цавуз лацу шар ахъаюналди акъалтна.

Истемишунрив къунвач

Дашдемир ШЕРИФАЛИЕВ

Ахцегъ райондин активдин нубатдин совещание хъана. Ам муниципалитетдин кылин заместитель Мегъамед-Рауф Гъаниева ачухна ва кыле тухвана.

Муниципалитетдин экономикадин отделдин начальник Радик Эфендиева налогар къватунин ва чилерни капиталный эцигунар актуализироватунин жигъетдай алай йисан 1-кварталдин планар ацлурун талукъ гъахъ-гъисаб авуна. 1-апрелдин делилралди, районди пландин тапшуругъар эменнидин налогдай-75, чилин налогдай - 97 ва налогринбуруз тушир доходрай 60 процентдин тамамарнава. Капитальный

эцигунрин (ОКС) ва чилер актуализироватунин жигъетдай кварталдин планар, талукъ тирвал, 11 ва 29 процентдин ацлурунава. Куьчейриз тварар ва къвалериз нумраяр (адресар) гунин жигъетдай Ахцегърин, Луткунрин ва Чеперин хуьрерин администрациядин къвалах тафаватлу я. Вири хуьрера куьчейрал тварар къалурнавай къулар ва къвалерал нумраяр эцигунин месъла райондин руководстводин къетлен гуьзчивилик ква.

Муниципалитетда Роспотребнадзордин отделдин начальникдин везифаяр тамамарзавайди тир Фиридин Магъмудова къейд авурвал, районда санитариядинни эпидемиологиядин жигъетдай гъалар пис туш. Кими-эксик-

вилерикай рахайтла, эвелимжи нубатда, хъвадай яд санитарный къайдайрин истемишунрив къунвач. Цин са чешмедизни санитарный махсус зонаяр ва яд ишлемишунал гуьзчивалдай программаяр авач, ам дезинфекция ийизвач. Гьаклани бес тежезвай яд машинар чухуьниз, салар дигуниз харжзава.

Фиридин Жабраилович гьакл туьквенра вахт алатнавай ерисуз сурьсет, ихтияр авачиз ички маса гун (ички маса гуниз Ахцегъ, Докъузпара ва Рутул - пуд районда анжах са Калукрин туьквендиз лицензия-ихтияр аватлани, чинебадаказ вири туьквенрай маса гузва), куьчейра гьинал хъайитлани алверун, цин къаналар чиркинарун хътин татугайвилерални акъвазна.

Къуватар сад авуна



Къагъриман ИБРАГЪИМОВ

Белиж поселоқда агъалияр Сирияда авай террористрин жергейриз финин вилик пад къуниз талукъарнавай элкъвей стол кыле фена.

Ана иштиракна ва рахана: Белиж поселоқдин кыл Рамиз Гъабибулаев, терроризмдиз аксвал авунин отделдин начальник Нежмутдин Алиев, Белиждин ПП-дин начальник, полициядин майор Ромик Надилов, Лукларин администрациядин кыл Арсен Шихалиев,

Белиж поселоқдин депутатрин Собранидин председатель Абдулазиз Сефербеков, Дербент райондин имамрин Советдин председатель Адил Къаибов, АТК-дин махсус дестедин кылин шекара Шагъбаз Гъажиалиев ва Мевлан Султанамедов.

- Дербент районда кардик квай АТК-дин махсус дестеди къанун-къайда хуьдай органрихъ галаз санал экстремизмдизни терроризмдиз акси яз хейлин къвалах кыле тухузва, - лагъана Нежмутдин Алиева. - Чна райондин хуьрера и къвалах гужлу авунин, чи жегъилрин зигъиндани терроризм негъламишунин гъисс мягъемарзава.

- Къе чна къатана къанда хъи, терроризмдихъ галаз тухузвай женг акъвазарна виже къведач. Чи жегъилар Сирияда авай международный террористрин тешкилатра иштиракиз финин дуьшъшар давам жезва. - къейдна Шагъбаз Гъажиалиева. - Терроризмдин месъла алай вахтунда хъиди я. Чна экстремизмдинни терроризмдин аксина, вири къуватар сад авуна, женг тухун лазим я.

Чал хуьнин ниятралди...

20-мартдиз, лезги чалаз ва медениядиз талукъарна, ДГПУ-да кыле тухвай форумдин оркомитетди лезги чала авай месълаяр гъялунал машгул жедай комиссия арадал гъидай къарар къабулнавайдакай чна газетдин вилик квай нумрайра хабар ганай. Вичин нубатда цийиз арадал гъанвай комиссияди лезгийрин милли гимндин чалар ва гъава арадал гъуниз, лезги алфавит дуьзгъунруниз ва лезги чалан орфографиядин гафарган цийикла туьжкълъур хуьвуниз, лезги чалан лексикадинни грамматикадин месълайриз, лезги чалан стилистикадин месълайриз, милли культурадиз талукъ яз къвалахдайбурун дестеяр арадал гъида.

Агъадихъ чна комиссиядин состав чапзава. Къейд ийин хъи, и сиягъ тамамди туш ва ам ачухди яз тазва. Яни лезги чал, культура еримлу авунин кардик жуван пай куьтаз, и рекъяй теклифар гуз къанзавай гъар са касдиз комиссиядин составдик экечдай мумкинвал ава.

КОМИССИЯДИН СОСТАВ:

1. АБДУЛМУТАЛИБОВ Нариман - филологиядин илимрин кандидат, ДГУ-дин доцент;
2. АГЪМЕДОВ Муса - "Лезги газетдин" кылин редактордин заместитель, "Къурушрин сес" газетдин кылин редактор;
3. АЗИЗ АЛЕМ - шаир;
4. АКИМОВ Къурбан - филологиядин илимрин доктор;
5. Арбен КЪАРДАШ - Дагъустандин халкъдин шаир;
6. АСЛАНХАНОВА Гуьлбес - филологиядин илимрин кандидат;
7. АШУРАГЪАЕВ Абдул - Хив райондин Цийи Фригърин юкьван мектебдин лезги чалан муаллим;
8. БАБАХАНОВ Майрудин - шаир, Сулейман-Стальский райондин культурадин управленидин начальник;
9. ГЪАЖИМУРАДОВ Абдулашим - Мегъарамдхуьрун райондин Муьгъверганрин юкьван мектебдин лезги чалан муаллим;
10. ГЪАНИЕВА Фаида - филологиядин илимрин доктор;
11. ИБРАГЪИМОВ Мегъамед - "Лезги газетдин" кылин редактор;
12. ИСМАИЛОВ Абдуселим - Дагъустандин халкъдин писатель;
13. КЪАДИМОВ Мариф - физикадинни математикадин илимрин кандидат;
14. КЪАДИМОВ Руслан - филологиядин илимрин доктор;
15. КЕРИМОВА Седакъет - "Самур" газетдин кылин редактор;
16. КЪАЗИЕВ Гъажи - Хасавюрт райондин Къурушрин хуьрун юкьван мектебдин лезги чалан муаллим;
17. КЪУРБАНАЛИЕВ Камран - "Алам" журналдин кылин редактор;
18. МАГЪАМДАРОВ Шамсудин - Сулейман-Стальский райондин Герейханован хуьрун юкьван мектебдин лезги чалан муаллим;
19. МЕГЪАМЕДОВ Гъамидуллагъ - филологиядин илимрин доктор;
20. МЕЙЛАНОВА Жаклина - филологиядин илимрин кандидат;
21. МЕЛИКМАМЕДОВ Муьзеффер - филологиядин илимрин кандидат;
22. МИРЗАБЕГОВ Азиз - филологиядин илимрин кандидат;
23. МИРЗОЕВ Шайдабег - педагогикадин илимрин кандидат;
24. НАГЪИЕВ Фейзудин - филологиядин илимрин доктор;
25. НАСРЕДИНОВ Фахрудин - Мегъарамдхуьрун М.Гъажиеван тварунихъ галай юкьван мектебдин лезги чалан муаллим;
26. РАШИДОВ Агъаверди - филологиядин илимрин кандидат;
27. РАМАЗАНОВА Наира - "Дагъустан" ГТРК-да лезги чалал эфирдиз акъатзавай редакциядин старший редактор;
28. САМЕДОВ Абдула - Къурагърин хуьрун юкьван мектебдин лезги чалан муаллим;
29. ФЕРЗАЛИЕВ Куругъли - Докъузпара райондин Къалахурин хуьрун юкьван мектебдин лезги чалан муаллим;
30. ЭФЕНДИЕВ Исрафил - филологиядин илимрин доктор;
31. ЮЗБЕГОВА Саимат - филологиядин илимрин кандидат;
32. ЯРАЛИЕВ Ярали - химиядин илимрин доктор, тарихчи.

Гъуьрметдивди, профессор Руслан КЪАДИМОВ (телефондин нумра - 8928 569 93 31)

Школайрин уьмуьр Нетижайри шадарзава

Муьквара чи селькор Рагьидин ЭМИНОВ Ахцегь райондин Кьурукаларин хуьруьн юкьван школадин директор Гь.Ж.ЭЛЬДАРОВАХЪ галаз гуьруьшмиш хьана. Абурун арада суьгьбет кьиле фена.



Гьайдар ЭЛЬДАРОВА 2015-йисан мартдилай Кьурукаларин хуьруьн школадин директорвилин везифаяр таммарзава. Школада 22 муаллимди 119 аялди цирвилер ва тербия гуьва. Муаллимрикай 7-дахь кьилин ва 12-дахьни 1-категорияр ава.

■ **Гьайдар Жафарович, и кьуллугьдал тайинарайла, куйне сифтени - сифте гьихьтин крар хиве кьуна?**

- Кьурукаларин школадин гьаятдихь дьузгунь цлар галачир, гьакл чи ученикар тадаракламишнавай спортдин майдандикайни маьгрум тир. Ина электронный почта ва сайт, интерактивный доска авачир, столар, стулар, партаяр куйгьне хьанвай. Гьевечи классрин аялар ацукьдай махсус чкайралди таьмин тушир. Ихьтин крар себеб яз Роспотребнадзордин райондин кьуллугьдин векилри чалай актар тукьлуьрзавай. Ахцегь райондин кьил О.Абдулкеримован, "сельсовет Ахтынский" СП-дин кьил Н.Эфендиеван куймекдалди и татугайвилерал эхир эцигна.

Кьилди кьачуртла, школадин гьаятар шлакоблокрикай эцигай цлалди кьевна. Женнидин патав аялар кьугьвадай стадион тукьлуьрун патал чил чара авуна, пуд классдин полар дегишна, школадиз цийи мебель хьана. Райадминистрацияди ва РУО-ди чаз интерактивный кьве доска, "Сельсовет Ахтынский" СП-дин кьил Н.Эфендиева турник, брусар ва спортдин маса тадаракар гун хиве кьунва. Хуьруьн школадиз чна и муьквара кабельный интернет гьана, цай кьуникай хабардардай сигнализация кьайдадик кутуна.

■ **Алатай йисуз Кьурукаларин школа акьалтларайбуру ЕГЭ-дай гьихьтин нетижаяр кьалурна?**

- Шаз ЕГЭ вахкунин нетижайрай чи школадин ученикри районда 1-чка кьуна. Им, гьелбетда, шадвал ийиз жедай кар я. Шазан выпускника тир Р.Фатагьова, Т.Максимова, Р.Алисултановади гьар жуьре вузра агалкьунралди кьелзава.

■ **Школадин компьютерин класс гьихьтин гьалда ава?**

- Алай вахтунда школада 21 компьютер ва са ноутбук ава. Абурукай 13 компьютер "Просвещение" тивар алай мергьяматлувилин фондуни ганвайбуру я. Информатикадин муаллим Ф.Мегьамедовна аялриз компьютерикай менфят кьачуз чирзава. И муаллим шаз районда кьиле тухвай «Йисан муаллим» конкурсда "Хуьруьн аялар" номинациядай гьалиб хьана.

■ **Спортдин жигьетдай кьехь гьихьтин агалкьунар ава?**

2016-йисуз чи аялри шахматрай "Белая ладья", шашкайрай "Чудо шашки" турнирра 2-чкаяр кьуна. Алатай йисуз чи школадин 11-классдин ученик Гьашум Эльдарова кьезил атлетикадай РД-дин ва ЮФО-дин кьенкьечивал патал акьажунра 800 метрдиз зверунай (Нальчик шеьгерда) 1-чкаяр кьуна. Алай вахтунда ам спортдин мастервилин кандидат я. ГТО-дин нормативрай хьсан баллар кьачуналди, махсус знакриз лайихлу хьанвайбуруни тимиш туш. Абурукай 3 аялди РД-дин спортдин министерстводин патай ГТО агалкьунралди вахкунай сертификат гана.

Акьазвайвал, Гьайдар Эльдарова вичин пешедал, аялар рикл алаз Кьурукаларин члехи жезвай несилдиз кьуллугьзава. Сагьрай вич.

Форум тухвана

Кьагьриман ИБРАГЬИМОВ

Дербент райондин администрациядин актовый залда райондин образованидин управлениди, образование вилик тухунин Дагьустандин институтди Москва шеьгердин электронный образовательный "ЯКласс" ресурсдин кьилин пешекаррихь галаз санал "It-battle-2017 Мобильные технологии в образовании" форум тухвана.

Форумдин кьилин махьсад образованида мобильный технологияр ишлемишдай ва вилик тухудай хьсан шартлар яратмишун тир.

Адан кьвалахда райондин образованидин управленидин начальник Суфиян Надирова, адан заместитель Замир Исаева, методобьединенидин руководитель Тамилла Алиевади, школайрин директорри, сифтегьан классрин, урус члаланин литературрадин, математикадин ва информатикадин муаллимри, методистри иштиракна.

Атанвай пешекарри электронный образовательный ресурсра "ЯКлассдин" кьетленвилер раижна, мастер-классар тухвана. Эхирдай абуру муаллимрин суалриз жавабар гана.

Виридалайни хьсан тербиячи

Маида АГЬМЕДОВА

Кьурагь

И йикьара Кьепирдал райондин муьжуьд ясли-бахчадин тербиячийрин арада "2017-йисан виридалайни хьсан тербиячи" конкурс кьиле фена. Конкурсыди райондин вири ясли-бахчайрин заведующияр атанвай ва гьар са ясли-бахчадай са тербиячиди конкурсда иштиракна.

Конкурсдин жюридин членар райондин образованидин отделдин ИМЦ-дин (информационно-методический центр) начальник Кьасум Абдулхаликов, анин методистар тир Раиса Гьажиханова, Нажмудин Эмиралиев, Кьурагьрин "Солнышко" тивар алай ясли-бахчадин заведующий Фаина Амрагьова тир.



ИМЦ-дин начальник Кь.Абдулхаликова конкурс тухунин кьилин махьсад тербиячийрин кьвалах ахтармишун, абурук руьгь кутун, акьалтзавай несил тербияламушунин и пешедиз фикир гун тирди кьейдна.

Конкурсда Кьурагьрин "Аленушка" ясли-бахчадин тербиячи **Наиля КАТИБОВА** гьалиб хьана, 2-чкадиз Кьирийрин "Мечта" ясли-бахчадин тербиячи **Наиля САЛАХОВА** ва 3-чкадизни Кьепирдин "Улыбка" ясли-бахчадин тербиячи **Жавьгарат МЕЛИКОВА** лайихлу хьана.

Наиля Катибовади гила Махачкьалада республикадин дережада кьиле фидай гьа ихьтин конкурсда иштиракда.

Мегьарамдхуьр

Э.МИРЗОЕВА,
Мегьарамдхуьруьн "Солнышко" аялрин бахчадин тербиячи

Мегьарамдхуьре "Йисан тербиячи - 2017" лишандик кваз райондин конкурс кьиле фена.

Пуд юкьуз давам хьайи конкурсда тербиячийри чпин алакьунар кьалурна. Конкурс кьиле фейи "Солнышко" аялрин бахчадин тербиячи **Мальвина АГЬМЕДОВАДИНИ** вичин гуьнарар кьалурна.

Ада аялрихь галаз "Кьумадин алааматдин уьлкве" тивар алаз машгуьлат тухвана. Чпел лацу халатар



алай, гьилера затлар екез кьалурдай элкьвей шуьшьеяр авай аялар лап халис алимар хьиз акьазвай. Абуру чпин "лабораторияда" дикьетдивди кьум ахтармишзавай, кьугьунар ийизвай.

Машгуьлатда иштиракдай вири аялриз "Гьевечли алим" медални гана.

Конкурсдин нетижаяр кьурла, "Солнышкодин" хьсандиз безетмишнавай, мани-макьамдин ван гьатнавай залдиз диде-бубаяр, аялар-иштиракчияр, бахчайрин тербиячийар кватл хьанвай.

Жюриди рейсавилелди 1-чка - "Солнышко" бахчадин тербиячи **Агьмедова МАЛЬВИНАДИЗ**, 2-чка - "Сказка" бахчадин тербиячи **Афизова ЭЛЬВИРАДИЗ**, 3-чка - "Чебурашка" бахчадин тербиячи **Мурадова ГУЛЬМИРАДИЗ**, 3-чка "Ромашка" бахчадин тербиячи **КЬЕМБЕРАЛИЕВА Айнахалумаз** гана.

Райондин депутатрин Собранидин председатель Ханмегьамедов Абубукара конкурсдин иштиракчийриз Мегьарамдхуьруьн райондин кьил Агьмедов Фаридан патай агалкьунар мубаракна ва гуьрметдин грамотаярни пишкешар гана.



Сад лагьай чка кьур тербиячи Агьмедова Мальвинади "Солнышко" бахчадин заведующий Лейла Сабировнади, тербиячийар тир Ирина Абасовнади, Гуьррият Азимовнади, Суна Илифхановнади, Эльза Мегьамедовнади, вичик гьевес кутур вири коллективдиз сагьрай лагьана.

Бахчадин аялри кьуьлралди, шад манийралди гьалибчийар тебрикна.

Кьасумхуьрел "Квасадин мехьер"

Хазран КЬАСУМОВ

И йикьара Лезгийрин Стлал Сулейманан тиварунихь галай музыкадинни драмадин театрдин артистар Кьасумхуьрел мугьман хьана. Абуру районда кардик квай Россиядин халкьарин адетрин культурадин Центрадин члехи залда "Квасадин мехьер" тамаша-концерт кьалурна.

Театрдин артистрихь галаз Сулейман-Стальский райондиз кьуьлерин ансамбли атанвай.

Тамаша-концертдиз килигиз Сулейман-Стальский райондин кьил Нариман Абдулмуталибов кьиле аваз райадминистрациядин жавабар пешекарар, идарайрин, общественный тешкилатрин регьберар, члехи классра кьелзавай аялар ва гьазф кьаьдар маса ксар атанвай.

Лезги театрдин артистри халкьдин виликан адетрикай сегьнеяр кьалурна, манияр лагьана. Хуьруьн-зарафат, шад легьзеяр, ава-



зар, зиринг кьуьлер гьазф квай тамаша-концертдин программадик. РФ-дин лайихлу артист Абдул Гьабитовлахь, РД-дин халкьдин артист Ибрамхалил Рамазановлахь, РД-дин лайихлу артистар тир Фаризат Зейналовдахь, Эльмира Кьарановдахь, Зерифа Кьухмазовдахь, Агьахан Агьахановлахь галаз

санал жегьил артистри тамамарай нумраяр, кьуьлерин ансамбли авур Дагьустандин ва Кавказдин маса миллетрин кьуьлер тамашачийри гурлу капар ягуьналди кьаршиламишна.

Эхирдай тамашачийри гур мярекат тешкилунай артистриз риклин сидкьидай чухсагьул лагьана.

